

**LO BIN CU UN PLAN
PA ELIMINA ESCASEZ
DI VIVIENDA SOCIAL Y
GENERAL NA ARUBA**



WWW.SOLODIPUEBLO.COM



SOLODIPUEBLO@GMAIL.COM

VANDALISMO NA DEN HAAG CAUSA PA REFUGIADONAN “PRO Y CONTRA” DICTADOR DI ERITREA NA AFRICA



ALERTA PA BIENTO DURO Y AVISO PA BOTO CHIKITO TA NA VIGOR



**POLISNAN DI
CASONAN DI
INMORALIDAD
TRAHANDO
RIBA UN
INVESTIGACION
DELICADO TA
INTEROGANDO UN
SOSPECHOSO**



**AGENTENAN POLICIAL
LEVEMENTE HERIDA; DEN
ACCIDENTE ENTRE 4 AUTO**



TRUCK DI SERLIMAR A HIT & RUN SPIEL DI BUS DI ARUBUS




Diasabra madruga a drenta informe di un accidente na Caya Jose Geerman, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run

unda un truck di Serlimar a pasa dal e spiel di e bus di Arubus y a sigi core bay. Polis a tuma e declaracion for dibe chauffeur y a keda di bay atende cu Serlimar pa e chauffeur cu a hit & run.





POLISNAN DI CASONAN DI INMORALIDAD TRAHANDO RIBA UN INVESTIGACION DELICADO TA INTEROGANDO UN SOSPECHOSO



Despues di a ricibi un denuncia oficial e polisnan encarga cu casonan di actonan immoral y a haya ordo pa detencion di un sospechoso, den oranan mas tempran a sali pa detene e sospechoso. Di biaha a inicia cu e interrogacionnan pa asina

presenta e caso aki lo mas pronto posibel dilanti di hues. Mucho detayes di e caso aki no a ser suministra.

Den transcurso di dia lo nos por haya sa mas informacion di e detencion repentino aki.



ALERTA PA BIENTO DURO Y AVISO PA BOTO CHIKITO TA NA VIGOR

Den e boletin di Meteo Aruba duna riba diadomingo, nan ta duna un alerta pa biento fuerte riba dialuna como tambe un aviso pa boto chikito, pa cu lama.

E aviso ta bisa lo siguiente:

Un alerta pa biento duro ta keda na vigor te diamars mainta 6'or...-un aviso pa boto chikito pa lama habri y especialmente areanan cerca di costa oost te noordwest lo keda na vigor te diamars atardi 6'or...

Biento:modera te basta fuerte for di direccion oost;forsa 4 te 5 (20 te 39

km/ora, 11 te 21 nudo). Durante di dia fuerte te duro, posiblementehopi duro den rafaga;forsa 6 te 8 (40 te 64 km/ora, 22 te 35 nudo) situacion general di tempo pa proximo 24 ora:extencion di un area di precion halto riba atlanticolo sigui domina e weer den region, sosteniendo unbiento modera te fuerte; tin bes duro te hopi duroden rafaga.

Di otro un banda por bisa cu atmosferata sigui seco y stabiel y esaki lo mantenecondicionan di weer generalmente seco. Aviso/ alerta: un aviso pa



boto chikito ta na vigor pa partinan oost te noordwest di costa y lama habri...Ta pidi e ocupantenan di boto

chikito pa bai cuautela na e partinan oost te noordwest di costa,lama habri y otro partinan,

debi cu e biento durolo haci lama localmente poco bruto.

POLIS MESTER A INTERMEDIA DEN CASO DI AGRESION; ARIBA CAMINDA PUBLICO



CUENTA DI BANCO PA HACI PAGO DI ABONNEMENT ONLINE

Accountname: **Sunmax Printers**
Adres: **Sta. Cruz 110** Bank: **RBC**



Sero Patrishi - Diasabra atardi den careda di 4'or polis mester a bay atende un problema di agresion na Sero Patrishi unda cu machete a wordo saca.

E dos unidadnan policial cu a yega e sitio a wordo splica kiko exactamente a pasa.

Un persona lo tawata jogging, y dado momento un auto a lora hera dal'e. E persona a grita esnan cu tawata den e pickup.



Momento cu e la bay atende cu nan, e dos personan a pasa man pa un pata di cabra y kier a agredi e persona.

Momento cu esnan tawata haciendo e problema cu e persona, tata di e cabayero a pasa; e la reacciona y a

gritanan y mesora a bay warda e tool bek den e baki di pickup.

Polis a atende cu ambos partido, y a scual e dos hombernan y a calma e situacion na e sitio.

Minister Endy Croes: E MODERNISACION PA UN “ELEKTRONISCHE KIND DOSSIER” LO GARANTISA CONTINUIDAD DEN GUIA, DESAROYO Y SALUD DI NOS MUCHA- Y HOBENNAN



Durante Conferencia di Prensa di Gobierno di Aruba, Minister Dangui Oduber hunto cu Wit Gele Kruis (WGK) a firma un convenio pa intercambio di informacion digital, esta “Elektronische Kind Dossier” (EKD) pa Jeugdgezondheidszorg (JGZ). E meta di e convenio aki ta pa garantiza continuidad den guia, desaroyo y salud di

nos mucha- y hobennan. Durante e conferencia, Minister Endy Croes hunto cu colega Minister Dangui Oduber a hiba palabra. Tambe, dr. Janice Essers-Hooft y drs. Jan Hubert di JGZ a duna presentacion di modernisacion di e programa actual cu JGZ ta uza y con esaki lo transforma pa un sistema di registracion den forma di “cloud based”. Manera

ta conoci, WGK ta haci uzo di e experticio di “Jeugdartsen” di JGZ pa por ta samina y sigui e desaroyo di cada mucha entre di 0-5 aña. Despues di 5 aña JGZ ta sigui monitor e desaroyo y salud di e muchanan na scol basico y scol primario. E profesionalnan di JGZ pa medio di e file electronico lo por ricibi y comparti informacion pa un miho continuidad di cuido pa e mucha di 5 pa 22 aña.

E “Elektronische Kind Dossier” ta haci uzo di tecnologia, innovacion y e parti digital unda ta intercambia data di

cada mucha pa facilita e proceso pa por sigui monitor e salud y e aspecto social di e muchanan. Cada mucha lo tin nan “social-medisch dossier” den un forma electronico. Modernisacion di e sistema aki lo percura pa registra cada caso di e muchanan, analisa y conserva den manera mas efectivo y eficiente pa nos profesionalnan den salud. Tambe, e modernisacion lo minimalisa foutnan den registracion, lo por haci e intercambio entre medico y psicologo mas facil. Departamento di Asuntonan Social tambe lo tin acceso na e data

aki y for di tempran por nota si e mucha mester di ayudo y/of guia. Lo percura cu e protocol di privacidad ta uno estricto pa garantiza siguridad di nos muchanan.

Finalisando, Minister Endy Croes ta felicita colega Minister Dangui Oduber y Minister Rocco Tjon y henter nan ekipo cu a haci e proyecto aki posibel. Alabes ta gradici e profesionalnan, ekipo di maneho di DVG, JGZ, Wit Gele Kruis (WGK) y tur cu a traha riba e bunita proyecto aki y pa asina haci uzo di data pa por sirbi miho nos muchanan.

MINISTER MADURO A RICIBI BISHITA DI PRESIDENTE DI CORTE COMUN DI HUSTICIA

Diabierna pasa Minister Maduro di Finansa tabata tin e placer di por a ricibi bishita di Presidente di Corte Comun di Husticia, sr. Maurtisz de Kort hunto cu sr. Luttge kende ta encarga cu e parti financiero pa Corte Comun di Husticia.

Tabata un encuentro ameno den cual Minister Maduro a repasa un rato e recuperacion di Aruba den e ultimo añanan y a combersa tambe riba e retonan cu tin na e momentonan aki nan riba e tereno financiero di nos Pais.

Minister Maduro a haci uzo tambe di e ocasion pa

asina gradici Corte Comun di Husticia pa e solidaridad cu a keda demostra den e añanan 2020 pa 2024 den cual nan a ricibi menos fondo di aporte di parti di Aruba, pa asina brinda espacio pa nos por a stabilisa e finanzas di nos pais durante y despues di e pandemia.

Na final Minister Maduro como mandatario encarga cu monumentonan di Aruba, a gradici sr. De Kort y sr. Lutte tambe pa e hecho cu ta haci uzo y ta cuida di e Edificio di Corte cu ta un monumento di nos Pais cu ta cede di husticia na nos Pais ya pa mas di 50 año.



POLIS A DETENE CHAUFFEUR BURACHI CU A BAY DAL TRAS DI UN AUTO NA MADIKI



Diahuebs anochi a drenta informe di un accidente dilanti Ban Ban na Madiki, mesora a dirigi un patruya na e sitio. Na yegada di e patruya a bin compronde cu un chauffeur burachi coriendo cu un Chevrolet S10 no a regula su velocidad ni a mantene distancia a bay dal tras di un Mazda CX-5. Polis a detene e chauffeur di e pickup pa a core auto bao influencia y causa un accidente.

Career Opportunities

Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:

DOCUMENTATION & SCANNING CLERK

The Documentation & Scanning Clerk is responsible for the overall coordination of activities of the Optical Document Imaging (scanning), of the filing and maintaining the completeness of the account documentation file and ensure accurate preparation and retrieval of documents in accordance with prescribed procedures and instructions while maintaining a proper administration.

The Documentation & Scanning Clerk has the ability to maintain a high level of discretion when dealing with sensitive/confidential information and ability to establish priorities, to organize, plan and execute workloads independently.

Professional requirements:

- Secondary Education
- Previous experience in a similar position requiring maintenance of proper administration is preferred.

Candidate Profile:

- Communication skills including fluency in English, Dutch & Papiamentu writing and speech.
- Expert PC skills using common software tools to access and communicate within the Bank (Word, Outlook, Excel).
- Ability to handle all matters in a confidential and professional manner.
- Punctual, self-motivated and a team player.
- Display and maintain a high degree of integrity.


Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by February 21, 2024.

Prome Minister Evelyn Wever-Croes:
Prome Minister a reuni cu departamentonan encarga cu vivienda social y general

LO BIN CU UN PLAN PA ELIMINA ESCASEZ DI VIVIENDA SOCIAL Y GENERAL NA ARUBA

"Nos meta ta pa trece solucion pa e problema aki y logra pa cada famia tin su hogar"



Manera ta conoci, na Aruba tin un scarcedad grandi di vivienda social y general, pa cu e problematica aki, Prome Minister Evelyn Wever-Croes, como minister encarga cu infraestructura, a reuni cu e departamentonan di DOW, DIP y Kadaster, hunto cu FCCA, cu ta e fundacion encarga pa construccion di viviendanan social,

pa traha riba un plan pa elimina e escasez aki, y percura pa crea mas vivienda social na Aruba. E scarcedad di vivienda ta hopi mas grandi di loke FCCA por provee, y p'esey a reuni pa delibera riba ki otro alternativa por tin pa yena e necesidad aki.

Prome Minister a indica cu un di e retonan grandi ta, e

disponibilidad di tereno na Aruba. Esaki ta conduci, cu lo mester bin cu otro forma di vivienda, y no manera Aruba ta custuma cu n'e. Comunidad ta custuma cu na Aruba casnan ta wordo construi riba un tereno, y cu cada cas tin su cura, pero mirando cu no tin suficiente tereno pa construi vivienda, lo mester bay traha cu otro metodonan. FCCA ta un fundacion cu hopi experticio den e ramo aki, ya cu nan a yega di traha

vivienda cu ta bay na dos of tres piso, cu ta pega na otro riba un rij, dunando asina toch un espacio pa un cura chikito dilanti y patras di e cas.

Un otro reto ta, cu hopi di e casnan a wordo bendi na stranheronan cu ta paga hopi placa pa nan. Esaki a distorciona e mercado, aumentando e balor di e casnan exageradamente, conduciendo asina cu hopi hende no ta bin na remarke pa cumpra of construi un

cas.


Durante e reunion, a delibera riba varios opcion, y a evalua kico tur por wordo haci, pa mantene e prijs di e casnan pagabel pa comunidad. "Nos meta ta, pa trece solucion pa e problema aki, y logra pa cada famia tin su hogar. Apesar di tur e retonan riba nos caminda, nos tin confiansa cu nos lo surpasa nan, y cu nos ta exitoso", Prome Minister a expresa

TAEKWONDO TEAM ARUBA TA PREPARANDO PA TEAM USA



Antwuan Wilson di Team USA a bin Aruba bek despues di un paar di aña cu su atletanan pa Best of the Best na 2023. Antwuan Wilson a wak e potencial den e atletanan di Aruba y a keda impreciona cu e bon trabou di e dos coachnan di Taekwondo Team Aruba cu ta Master Yoshmar Wever y Master Clifford Rasmijn. Aña pasa Master Yoshmar Wever y Master Clifford

Rasmijn a reuni cu Antwuan Wilson na Miami y e challenge di Aruba vs USA a nace. For di e momento ey Master Yoshmar Wever y Master Clifford Rasmijn a intensiva e training di Taekwondo Team Aruba. Diasabra dia 2 di Maart 2024 pa 7'or di anochi e challenge lo ta entre 15 bringado di Taekwondo Team Aruba vs 15 bringado di Team USA. Media Team



Stichting Arubaanse Muziekschool (AMS), die dit schooljaar haar 70-jarig bestaan viert, zoekt een **directeur** voor de Scol di Musica Rufo Wever (SMRW). SMRW valt onder de Stichting AMS. De missie van AMS is om optimaal bij te dragen aan de ontwikkeling van muziek op Aruba.

Werkzaamheden:

De directeur

- * Is belast met de algemene en artistieke leiding, supervisie en coördinatie van de school en haar dependances;
- * Is verantwoordelijk voor:
 - de coördinatie van de algemene administratieve-, financiële- en logistieke zaken van de school;
 - de financiële administratie van de school;
 - de coördinatie, evaluatie en bijsturing van het algemeen-, onderwijs- en strategisch beleid;
 - het personeelsbeleid en de nodige personeelsadministratieve zaken;
- * Onderhoudt externe contacten, vertegenwoordigt de school en bevordert een goede samenwerking met externen;
- * Draagt zorg voor de voorbereiding van het periodiek overleg met het bestuur van de AMS, adviseert en rapporteert aan het bestuur;
- * Voert uit alle andere werkzaamheden ten dienste van de school opgedragen door het bestuur.

Kennis en vaardigheden

- Leidinggevende en organisatorische vaardigheden
- Kennis van boekhoudkundige en financieel-administratieve procedures en vaardigheid in het hanteren ervan
- Kennis van begrotingssystemen
- Kennis van het salarissysteem
- Beleidsadviezen, nota's en rapportages kunnen presenteren/schrijven.
- Een team kunnen leiden, begeleiden, evalueren, stimuleren/motiveren

Functie-eisen

- HBO-opleiding met kennis van muziek, administratie en boekhouding, bij voorkeur een afgeronde conservatoriumopleiding
- Leidinggevende ervaring
- Kennis van geautomatiseerde systemen voor (financiële) administratie en registratie (tekstverwerker en spreadsheet)
- Goede communicatieve vaardigheden
- Goede plannings- en organisatorische vaardigheden
- Analytisch vermogen en initiatiefrijk

Wij bieden een aantrekkelijke salaris, schoolvakanties, pensioenregeling en een prettige werkklimaat. Sollicitatiebrieven vergezeld van curriculum vitae, recente pasfoto en kopie diploma's kunnen uiterlijk donderdag 29 februari 2024 verstuurd worden aan: Stichting Arubaanse Muziekschool, arumuziekschool@setarnet.aw, t.a.v. mr. drs. bc. Arlenne Wever-Croes. Een psychologische test kan deel vormen van de sollicitatieprocedure. Degenen die voor een gesprek worden uitgenodigd zullen ook een verklaring van goed gedrag moeten indienen.

Minister Endy Croes: NOS A RICIBI PRESENTACION DI E RESULTADO PRELIMINAR DI E ESTUDIO RIBA RESTRUCTURACION DI E APARATO GUBERNAMENTAL



Recientemente, Minister Endy Croes a reuni cu Sra. Omaira Lares y Sra. Gabrielle Croes di Departamento di Recurso Humano (DRH). Durante e encuentro a trata restructuracion di e aparato gubernamental y e ministerionan. Manera ta conoci, Gabinete Wever - Croes II desde inicio di gobernacion ta tumando pasonan pa haci e aparato gubernamental

mas eficiente y pa mehora mas ainda e servicio na nos ciudadanonan. Un di e recomendacionnan di e Landspakket ta pa haci un estudio di tur e departamentonan di gobierno. E estudio aki a ser realisa pa PriceWaterhouse Coopers (PWC), entre otro, di e tareanan cu e departamentonan mester haci, cual por acopla na otro y cual no ta un tarea directamente di gobierno.



Tambe, a pone atencion na e tareanan cu lo por wordo privatiza.

Pa loke ta trata Ministerio di Enseñansa y Deporte tin nueve (9) departamento cu a pasa den e proceso aki. Siman pasa, Minister Endy Croes y Consejo

di Minister a ricibi e prome conclusionnan di e estudio despues cu PriceWaterhouse Coopers (PWC) a reuni cu tur e departamentonan. Hunto cu DRH lo tuma cierto decisionnan den e fase aki, entre otro, kico en realidad ta e tarea di gobierno y

kico kisas no ta un tarea di gobierno. Pa conclui, mandatario di Enseñansa y Deporte a indica cu e tabata un bon reunion unda cu a repasa e nueve (9) departamentonan cu ta resorta bou di su ministerio y a duna contribucion den e proyecto aki.

POLIS A PARA CHAUFFEUR CANSA CORIENDO CU VELOCIDAD HALTO Y MALO



Diasabra madruga na Palm Beach polis a nota un pick-up coriendo cu velocidad halto y malisimo, mesora polis a bay su tras y a par'e pa atende cun'e. A bin resulta cu e chauffeur ta basta cansa y hambra.

E chauffeur a bisa polis cu ela bin pa cumpra un cuminda na e truck y djey pa e bay su cas. Polis a hala su atencion pa e coremento cu velocidad halto y a bis'e pa e yama busca un hende pa stuur p'e pa bay su cas.



VANDALISMO NA DEN HAAG CAUSA PA REFUGIADONAN “PRO Y CONTRA” DICTADOR DI ERITREA NA AFRICA

Den un disturbio grandi na Den Haag, por lo menos seis polis a resulta herida. Polis a bisa cu a cay hopi detencion.

Ta trata di un problema di e pais Eritrea na Africa, cu desde 1993 ta bao comando di dictador Afweki. Pa e mes motibo hopi Africano di e pais ey a huy y a refugia na Hulanda.

Diasabra anochi, esnan pro e dictador a organisa un reunion, y esnan contra e dictador a bay protesta, cual a termina den vandalismo na Den Haag. E rebeldenan a ocupa cayanan di Den Haag pa oranan largo y a kima varios auto di polis, como tambe un bus di turismo. Polis a desplega gas lacrimogeno pa detene e grupo rebelde.

Segunpolis,presuntamente tabatin un enfrentamento entre paisanonan di e pais Eritreo, cu ta un pais na Africa. E confrutacion tabata entre Eritreonan pro y anti-nan regimen dictador. E eritreonan pro-regimen dictador a convoca un reunion na e sala yama ‘Opera’, pero nan oponentenan a protesta y cumenza rebeldia. No mucho despues, e disturbio a cuminsa cual a bay for di man totalmente.

“Ta hopi tristo pami como refugiado pa mira esaki! Di un banda nos ta busca refugio den boso pais cu centenares di mentira y di otro banda nos ta trese boso pais na e situashon aki. Esaki ta realmente inhumano! hopi disculpa

Hulanda, un Eritreo a declara na un prensa Hulandes.

Durante oranan, e vandalistanan por a move den e caya sin wordo molestia. E disturbio a inclui tira piedra riba polisnan y cuerpo di bombero. Dos vehiculo policial a keda kima. Un bus tambe a kima y varios auto a keda destrui cu piedra cu tabata bula manera awacero. E auditorio “Opera” tambe a sufri daño serio.

“Esaki ta ekstremo”

“Esaki ta extremo”, un miembro di e sindicato di polis a bisa na e sitio.

“Nan ta bisa cu nan a dal nan cu bloki di kadena y bat di beisbòl. Tambe a tira trapi, stellage y verf abao. No solamente polis a ser ataca, pero tambe glas di tres truck di brandweer a keda dañá.

Brandweer no por a yega e sitionan pa hopi rato pasobra e tabata hopi inseguro. No tabata te rond di 20:15 cu e trabounan di paga candela por a cuminsa. Na e mesun tempo, e calma a bolbe parcialmente. Na 22:30, e eritreonan cu ainda tabata den e edificio a wordo escolta pafo bou escolta policial.

“Oficial di polis ta papia di un bataya”, presidente di E Asociacion di Polis Hulandes Ta bisa Den media social X. ” Incluso vehiculonan blinda a ser bati y vandalisa.

“No tin suficiente polis”

Un bisiño a bisa ku tabatin un ambiente tenso for di



4or di atardi, pero cu polis tabata presente cu masha poko homber pa detene e gruponan di rebelde.

Polisnan a bini den masa na e districto durante anochi pa restablece orden den e cayanan. Polis a haci

lo pasibel pa mantene e dos gruponan separa. Un helicopter di polis tambe a wordo usa durante operacion policial.

“Hopi hende ta hopi spanta.”

E habitantenan loc tabata

den contacto ku otro via WhatsApp durante e situacion tenso. Un di nan a bisa ku e tabata tene un bat di beisbòl. “Nan no mester bin aki na nos auto. Mi ta kere cu hopi hende ta hopi spanta.”

FORTALEZA PA FAMIA

Scirbi pa Pastor Marcel Balootje.

“AUXILIO” MAYOR NO LUBIDA CU BO YIU MESTER DI ORACION

Un gran berdad a wordo publica, cu tin hopi mucha involvi den cosnan cu no ta bon.

Hopi mucha cu nan comportacion ta laga di desea, Hopi mucha cu chens di cay den man di husticia, Y hopi mucha cu a cay den man husticia,

No lubida cu tin mucha cu pa via di nan mal comportacion husticia tin bista riba nan.

Tur esaki ta noticia doloroso, pasobra ta e muchanan ey, mester dirigi e pais aki mayan cu Dios kier.

Nos no kier dramatiza, pero berdad mester wordo bisa, pasobra ta dificil tapa solo cu un dede, y a yega e tempo pa cada un di nos como mayor cumpli cu e deber cu Dios a bisa pa nos cumpli cune y esey ta pa lanta e mucha den disciplina y instruccion di Señor.(Efesionan 6:4).

Durante temporada di carnaval, nos a scirbi tocante e uso formal

di alcohol y droga bao di nos hubentud, con e a aumenta drasticamente, muchanan menor di edad bebiendo tur dia.

Pasobra e manera cu maldad a aumenta, hopi mucha di 13-14 anja tanto mucha homber, como mucha muher, tin un pensamiento cu nan ta grandi cada, y cu nan por ta activo den tur cos cu hende grandi ta haci.

Tambe nos a bisa bo cu tin hopi cos cu ta bay sali na cla, y ainda falta, pasobra a yega tempo, pa nos lanta riba y tuma e bida spiritual di nos hubentud na serio.

Nos hubentud mester di lidernan y mentornan serio, no hende nan cu ta busca fama pa nan mes.

Pero hende cu nan bista ta fiha riba Dios, y nan curason ta yena cu amor di Dios, pa haci tur locual ta posibel pa guia nos hubentud riba caminda di Cristo Hesus.

Hesus a bisa laga e muchanan, bini serca Mi, Hesus ta stima tur mucha, nos muchanan ta

altamente aprecia den bista di Señor.(Marco 9:42).

Awor como mayor nos ta zorg pa nos yuinan tin tur cos, cuminda riba mesa, paña pa nan bisti, un bon cas pa biba aden y un bon cama pa nan drumi, pero awor dicon nos ta negligisha e presencia di Dios, pa nan bida?

Dicon nan ta bay tur caminda, y ora yega e momento pa bishita cas di Dios, cos ta tranca, acaso ta pasobra nos mes como mayor no ta duna e ehempel di biba pa Dios?

Si nos como mayor no haci oracion pa nos yuinan, ta ken nos kier pa hacie. Si nos no pone ordo disciplina, respet y corecion den bida di nos yuinan ta ken mester hacie pa nos?

Ta kico mas mester sosode, pa nos wowo habri y pa nos sclama na Dios, pa bida di nos yuinan.

E noticia a wordo publica, y no ta awor e asunto aki a sali for di man. Laga nos haci oracion pa lo siguiente:

Pa nos hubentud entrega nan bida na Cristo Hesus.(Romanonan 10:9-10).(Juan 3:16).

Pa proposito di Dios den bida di nos yuinan (Jeremias 29:11).

Pa bon amistad (1 Corintionan 15:33).

Pa un mente renoba (Romanonan 12:2).

Pa nan por biba den Puresa (1 Pedro 1;5).

Pa nan por tin pasion pa sirbi Dios. (Galationan 5:24-26).

Pa nan no laga amor pa placa tin dominio riba nan bida (Hebreonan 13:5).

Pa nan honra na mayornan (Efesios 6:1-4).

Pa un bon crecimiento Spiritual (Efesionan 3:16-17).

Pa Dios duna nan discernimiento (2 Corintionan 2:11).

Pa nan tin speransa den Cristo Hesus (Efesionan 3:14-19).

Sinceramente, Pastor Marcel Balootje.

ATROBE OTRO VICTIMA A CAY ORA CU A BAY BENDE SU CELULAR RIBA CAYA, UNABES DEN SU MAN E LADRON A CORE BAY SIN PAGA

Diasabra atardi un persona cu kier a vende su celular cu un persona desconosi a palabra cu nan lo topa banda di e pompstation di gasolin na Santa Cruz. Unabes cu e supuesto cumprado a haya e celular pa inspeccion sin sikiera paga un cent esaki a core bay subi un auto Toyota Passo y bandona e sitio cu e celular. Mesora a avisa autoridad y e informe di e auto cu descripcion di e sospechoso a ser traspassa na e patruyanan riba caya y a para e auto indica y a haci e detencion na Tanki Flip



SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Awor si Carnaval 70 a pasa y ta den historia. Diaranzon di sinishi a pasa y tambe ta den historia. Cada dia cu pasa, ta den historia. “Aprecia Ayera”, “Biba pa Awe” y “Sonya di Mayan” ta palabranan cu a toca e curazon di Lady Ruth hopi anja pasa. Nos ta sigui sinya cosnan nobo tur dia atrobe di nobo cu bunita recuerdonan di Ayera, di Pasado, di e Temponan Pasa. Goza awe cu nos famia y amigonan y nos ta sigui sonya pa nos Mayan ta mihor, mas bunita, mas positivo cu mas alegria y sabiduria. Asina nos tin tambe e bunita recuerdo di un di e bunita y dushi Diabierna anochinan na Djiespies Happy Hours. E Diabierna prome cu e paradanan grandi di Carnaval nos a goza y pasa un anochi hopi alegre y agradabel scuchando e dushi musica di e banda di Robert Maduro “Azucar” y Lady Ruth a subi pista di baile tambe ora dushi musica cu e ta gusta a wordo toca. Un pista di bayle yena cu caranan y curasonnan contento, cantando y hisando man na laira. Nos a nota presencia di nos amigo Wim Steenhuis y Maria Tonk Aruba y nan grupo cu fielmente ta atende y participa na e anochinan dushi

aki riba Diabierna na Djiespies Place. Voluntarionan fiel di Hospice Atardi. Wim ta e fotografo voluntario di e dushi anochinan aki y ta saca hopi potret y video cortico di parehanan y of e grupo di hendenan bailando of sintando y despues Maria Aruba, ta post nan riba facebook. Nos a bin topa cu Joyce, e Split Queen, un di e Runnerupnan di Sra. Carnaval den Carnaval 70, cu , si mi ta corda bon, ta biba na Alemania, Europa pero tambe a bin pa participa den nos di 70 Carnaval, manera hopi otro arubianonan bibando y of studiando na Madre Patria Hulanda. Pero, e persona mas dushi cu nos a topa e anochi ey tawata Pastor Jairo Maduro, cu, di sorpresa a presenta, ariba invitacion di Robert Maduro y Azucar. Publico a bira loco di mas alegria ora Pastor Jairo a cuminsa canta su cancion di carnaval D’Fiestah cu su figaro fiiiii, figaro faaaa, figaro fiiiii cu a lanta masha hopi hende mes foi nan stoel pa subi e pista di bayle pa a jump riba e dushi cantica di carnaval aki. Hopi ta esnan cu a core para banda di Pastor Jairo pa saca potret cu’ne. Lady Ruth, cu no a bay wak e paradanan en bibo e anja aki, pero a goza di wak nan na televishon, a goza un mundo cu e dushi publico na Djiespies Place, cu awor den claridad di luznan colorido bunita y no den scur di mas. Un bista bunita festivo cu presencia di varios turista tambe, bailando cu nos localnan y “having fun”. E bunita actividad aki, riba Diabierna anochi na Djiespies Place ya ta ariba e mapa turistico y si nan no tin’e ainda, ta tempo pa pon’e, pasobra ta parti bunita di e cultura di Aruba awor, aunke ta toca canticanan varia cu no ta di Aruba so. Con cu bo mir’e y bir’e, nos ta keda un isla multicultural cu respet y amor pa prohimo ruman. Lady Ruth ta hasi uso di e oportunidad aki pa condoleer tur esnan cu a conose e pareha Elliott



y Martha Jackson, kendenan a fayece no mucho tempo atras, prome Elliott y despues Martha. Nan tambe a gusta fiesta na Djiespies Place. Awor tambe mas serca di mente, alma y curason.


Den e mesun rosea, nos ta felicita e tocayo di Robert Maduro di Azucar, Robert of Roberto Orman cu atrobe a canta e cancion “Mi florecia de amor” masha masha bunita mes. Danki na e famia bunita di Djiespies Place, pa organisa e bunita anochinan aki, cu ta conosi tambe den boca di pueblo como un anochi pa nos grandinan di 50 plus bay ariba, pero cu tambe hopi persona di edad mas hoben gozando di nan pasonan bailable y e alegria contagioso di e “grandinan”. Bunita pa wak tambe sr. Toko Winklaar ariba pista di bayle los e pianan un crenchi. Nos ta corda Toko di su corant digital Awe Mainta cu awor nos no sa wak mas, segun nos cu otro donjo of donjonan. Awor Lady Ruth ta goza di on line cu EANEWS, E arubiano news , apoyando nos hende muhenan cu tambe por briya den e mundo di media, Farrah Boekhoudt, un hende muhe

profeshonal simpatico cu su curason na e bon lugar. Cu tremendo noticia di tur e islanan regularmente. Anto den varios idioma pa facilita esnan cu toch ainda no ta domina nos Papiamento ainda asina bon. Noticianan den bunita ingles y hulandes, entre otro.


Ah si ! Otro sorpresa dushi e anochi ey, tawata e presentacion sorpresa di TBS Brassband cu un di nan integrantenan carinosamente conosi como e comediante “Bashaka”.

Oh nan repertorio di cancionnan carnavalesco di algun tempo atras, a baha masha masha dushi mes.! Danki na e pueblo di Aruba, danki na tur cu ta participa fielmente na Djiespies Place Happy Hours ariba Diabierna anochi, pa nan bunita comportacion den dushi paz, respet y alegria. E bunita pareha Marinus De Graaff- Robles cu tampoco no ta falta un Diabierna anochi na Djiespies, lieve Mayra tawata nos juffrouw di 3e klas basis hooopi anja pasa na Mon Plaisir Onderbouw, pero still going strong y gozando di bida hunto. Danki pa lesa nos relato. Aruba, pasa un dushi dia yen di sabiduria den nos alegria ! Un “bearhug” di Lady Ruth.

AUTO A LORA DILANTI BROMMER PONE SLIDE DEN BANDA Y RESULTA HERIDA



Diahuebs anochi a drenta informe di un accidente cu hende herida riba e caminda banda di Grot di Lourdes, mesora a dirigi tanto polis como ambulans na e sitio. Na yegada di e patruya a bin compronde cu un auto a bira dilanti e motociclista y a dal e brommer pone slide. Den e caida aki e motociclista a resulta herida. Na yegada di e ambulans nan a atende e victima.



HYDRAULIC HOSE" DI UN TRUCK DI SERLIMAR A REMENTA Y A SPART AZETA NA MONTON BANDI BAKVAL



Diasabra madruga a drenta informe di cu un truck di Serlimar a basha monton di azeta riba caminda na Bakval, mesora a dirigi un patruya na e sitio. Na yegada di e patruya

a bin compronde cu un "hydraulic hose" a rementa y e azeta a plama riba caminda. Pa evita cu e por causa peliger den trafico a basha santo riba dje pa asina absorbe e azeta.



AGENTENAN POLICIAL LEVEMENTE HERIDA; DEN ACCIDENTE DI TRAFICO ENTRE 4 AUTO




Piedra Plat - Diasabra atardi 5'or pasa un patruya di distrito di Santa Cruz a haya su mes involvi den un accidente di trafico, net dilanti Flat Stone Supermarket na Piedra Plat. Un total di 4 auto tawata involvi, incluyendo e patruya di polis.

Na e sitio un testigo a conta nos kiko e la mira. Ta asina cu a auto di polis biniendo di Santa Cruz direccion pa rotondo Piedra Plat a bay desvia pa un pick up Volkswagen; cu a bay lora pa bay e Supermarket. E patruya segun e testigo; tawata tin su zwaailicht cendi, pero sin sirena.



Muy probablemente e chauffeur di e Volkswagen lo no a mira nan pasando bayendo pa un otro asistencia. Aki ta unda chauffeur di e auto di polis mucho e no por a haci y tambe ta trata di maniobra, pero asina mes ta dal contro e Volkswagen y demas autonan staciona dilanti e supermercado. E testigo a conta nos; cu e accidente por a termina malo pa doño di un di e autonan, cu net a yega y a baha for di su auto y a scucha e zonido duro. E la cora hala mesora y net momento cu e pickup Volkswagen a bin pega contra su Mitsubishi. Ambos agente a resulta levemente herida y mester bisa cu tawata trata di un impacto basta duro, mirando cu e airbag nan a sali y e auto di polis a sufri hopi daño dilanti. Manera nos a bisa ta trata di 4 auto, esun di polis, un Hyundai, un Volkswagen y un Mitsubishi Lancer. Ambulance a wordo pidi, unda cu na yegada a bay controla e agentenan y tambe a papia cu chauffeur di e pickup.



		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		


	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

UN PERSONA DETENI; SOSPECHA DI A HORTA IPHONE



Santa Cruz - Diasabra atardi un persona a bati alarm, momento cu segun e, e lo a wordo atraca. Mesora polis a bay e sitio, cu tawata den area di e gasoline station na Santa Cruz.

Iphone 15. Aki ta unda cos a bay robes, un cu un cabayero den un auto preto mientras e tawata wak e celular a baha na awa. Pues bay cu e celular. E tipo di casonan aki ta varios biaha a yega di pasa; unda cu esun cu kier cumpra e celular ya tin su plan di kiko e ta bay haci. Polisnan na e sitio tin dato di e persona y su vehiculo, sin papia mes cu por trace e cellularnan.



Algun rato despues, un patruya a bin topa dicho vehiculo altura di rotonde di Tanki Flip y a dun'e señal pa para y e lo a cumpli cu esaki. Eynan despues di algun minuut a bay over na detencion di e persona, unda cu e lo a wordo transporta pa warda, unda cu e lo mester bay splica ta kiko a pasa cu e la pasa man pa cos cu no ta di dje.

POLIS A DETENE CHAUFFEUR BURACHI CU A BAY DAL TRAS DI UN AUTO NA MADIKI

Diahuebs anochi a drenta informe di un accidente dilanti Ban Ban na Madiki, mesora a dirigi un patruya na e sitio. Na yegada di e patruya a bin compronde cu un chauffeur burachi coriendo cu un Chevrolet S10 no a regula su velocidad ni a mantene distancia a bay dal tras di un Mazda CX-5. Polis a detene e chauffeur di e pickup pa a core auto bao influencia y causa un accidente.





PRONOSTICO DI TEMPO

PRONOSTICO DI TEMPO VALIDO TE DIALUNA 19 DI FEBRUARI 2024, 18:00 ORA

- UN ALERTA PA BIENTU DURO TA KEDA NA VIGOR TE DIAMARS MAINTA 6'OR...
- UN AVISO PA BOTO CHIKITO PA LAMA HABRI Y ESPECIALMENTE AREANAN CERCA DI COSTA OOST TE NOORDWEST LO KEDA NA VIGOR TE DIAMARS ATARDI 6'OR...

TEMPO:
AWE TARDI Y AWE NOCHI: PARCIALMENTE NUBLA Y SECO

DEN MARDUGA Y MAYAN: PARCIAMENTE NUBLA Y GENERALMENTE SECO

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS
INDICE DI CALOR (HEAT INDEX) DEN Y ROND
SITUACION GENERAL DI TEMPO PA PROXIMO 24 ORA:
EXTENCION DI UN AREA DI PRECION HALTO RIBA ATLANTICO

DAAR DE STERKE WIND PLAATSELIJK VRIJ RUWE

AIRPORT : MAX 32 / MIN 27 / 0.0 MM

WESTPUNT: MAX 32 / MIN 27 / 0.0 MM

STA ROSA: MAX 32 / MIN 27 / 0.0 MM
IN UITSCHIETERS.
MAX / MIN TEMPERATUUR (GRADEN CELSIUS): 32 / 27

METEOROLOGISCHE DEPARTEMENT ARUBA
ZONDAG 18 FEBRUARI 2024 OM 17:00 (21:00 UTC)

ORACION DI DIA



Un feliz siman yena di bendicion gracia, amor y paz di Señor.

"Di berdad Mi ta bisa boso, tur loke boso a keda sin haci pa un di esnan di mas chikito aki, ta pa Mi boso a keda sin haci'e." (Mateo 25,45) E Evangelio ta corda nos di e huicio final, "ora e Yiu di hende yega den Su Gloria acompaña pa tur Su angelnan." Hesus ta bisa nos tin cu duna di come, bebe, bisti... esaki ta resulta den obranan di amor, nos ta mira Cristo mes den nos prohimo. Iglesia tambe a responde na e yamada aki, pa medio di asistencia social. Den e tempo di Cuaresma, nos por prepara pa biba como un bon Catolico, nos tin cu duna e miho, te ora e ta haci dolor. Nos tin cu corda cu Cristo a bisa: "Mi ta cu boso te na fin di tempo". E huicio final ta e berdad di fe, tempo pa husga bibo y morto! Cada un ta haya segun su obranan, bon of malo. Nos tin cu pidi Mama Maria pa e yuda nos den nos sirbishi na Hesus, cu ta den nos rumannan. No laga nos prepara pa e tempo aki so, pero lag'e perdura den e temponan cu lo bini, tur dia di nobo nos sigui cu e bon obranan. Oracion: Oh Señor, duna nos forza pa sigui cu e bon obranan durante y despues di e tempo aki. Yuda nos pa ta generoso y duna di e suficiente cu Bo ta duna nos. Laga mi comparti e amor ricibi cu mi prohimo! Amen

POLIS TA SIGUI CU CONTROL DEN TRAFICO



Diabierna mainta polis a para e auto aki cu lo cu e chauffeur riba su atento a para un auto den a comete un infraccion. comportacion den trafico y Emanstraat. E patruya Polis mesora a atende a dun'e un boet.

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554



HALA ROSEA LIBREMENTE



Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jonga.

FUNDACION LEAD BY DESIGN Y CEDE ARUBA TA START PROGRAMA DI BARIO LEAD BY DESIGN



Cu un enfoke holistico pa yuda hobennan desaroya

den cuidadanonan integral capaz di prospera den cada area di nan bida, Fundacion Lead by Design den colaboracion cu CEDE Aruba ta organisa un programa den bario titula, "Lead by Design" - Lidera por medio di Diseño.

Vision y mision di fundacion Lead By Design Fundacion Lead By Design — Funda pa Sra. Sharleen Tromp, Entrenado Certifica di Gallup Strengths, Docente, Entrenado di Personalidad y Desarroyo di Talento — su vision ta pa co-crea y sostene un cultura di bienestar pa transforma nacionnan. Cu mision pa educa y lanta nacionnan, rednan y barionan pa florence, y posiciona otronan, pa transformacion y impacto social.

Den colaboracion cu diferente coach, e tayernan holistico lo prove'e oportunidadnan balioso unda hobennan por siña, practica y integra principionan balioso den nan bida. E tayernan aki por cubri un variedad di topico cu ta eleva bienestar,

desarroyo propio y interconexión. Riba tereno social lo bay duna tayernan cu lo enfoca riba desaroyo di inteligencia emocional, nivel di comunicacion, y habilidad interpersonal pa tin relacionannan sano. Riba tereno di salud lo cubri nivel di consumo, pa hiba un estilo di bida unda e consumo ta saludabel, como tambe practicanan di bienestar general cu ta sostene salud fisico. Bienestar financiero, con pa maneha bo finanzas, presupuesta bo maneho pa alcanza prosperidad. Tambe lo cubri e topico di

carera/proposito unda lo prove'e recursonan pa tuma desicionnan basa riba informacion concreto, alinean cu nan carera/proposito. Riba tereno Empresarial, lo encurasha un mentalidad di empresario, sosteniendo hobennan cu ta interesa habri nan propio empresa, y por ultimo comunidad, pa encurasha nan involucra den actividad y eventonan comunitario. Detaye programa Lead By Design

E programa Lead By Design lo cuminsa core den barionan di Piedra Plat, Santa Cruz y Noord, entrante e siman di 4 di maart 2024 y ta consisti di 14 sesion. E lo ta pa hobennan entre edad di 16 pa 18 aña di edad. Participacion ta gratis, danki na CEDE Aruba y e Centro di Barionan cu ta sponsor pa sostene e gastonan involvi. Por solamente tuma un maximo di 20 hoben. Pa cu esaki lo bay tin anochi informativo pa tur tres bario unda e hobennan por haya informacion y registra.

Anochi di informacion Pa bario di Piedra Plat esaki lo ta dia 19 di februari 2024, orario lo ta 5:30 pm na Fundacion Centro Famia Piedra Plat. Pa bario di Santa Cruz, dia 21 di februari 2024, orario lo ta 6:00 pm na Centro di Bario Santa Cruz. Y pa bario di Noord, dia 22 di februari 2024, orario lo ta 6:00 pm na Centro di Noord. Pa mas informacion por semper tuma contact via +297 733 0377.